

# შპს „ელიტა ბურჯი“



შესყიდვის ელექტრონული საშუალებით  
**ქაფების და სილიკონების (CPV24900000)**  
შესყიდვის სატენდერო დოკუმენტაცია

ქ. თბილისი  
2018

## სარჩევი

|                                                 |    |
|-------------------------------------------------|----|
| 1. ინსტრუქცია ტენდერში მონაწილეობის.....        | 3  |
| 2. ტექნიკური დოკუმენტაცია.....                  | 4  |
| 3. შესყიდვის შესახებ ხელშეკრულების პროექტი..... | 6  |
| დანართი N1.....                                 | 12 |
| დანართი N2.....                                 | 13 |

## **1. ინსტრუქცია ტენდერში მონაწილეობის**

1.1 ელექტრონული შესყიდვა ტარდება სახელმწიფო შესყიდვების ელექტრონული სისტემის (შემდგომში - სისტემა) მეშვეობით.

1.2 სისტემაში შესყიდვის პროცედურები ხორციელდება ამ სისტემის მიერ დადგენილი წესების შესაბამისად.

1.3 ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე.

1.4 სისტემაში ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

1.5 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს. ქ. თბილისი, ბერი გაბრიელ სალოსის გამზ №118.

საკონტაქტო პირი:

**მამელი კობალია**, email: [mameli.kobalia@elitaburji.com](mailto:mameli.kobalia@elitaburji.com); ტელ: **551 081 028**

## 2. ტექნიკური დოკუმენტაცია

### 2.1 შესყიდვის ობიექტი

2.1.1 შესყიდვის ობიექტია სამშენებლო ქაფები და სილიკონები.

### 2.2 შესყიდვის ობიექტის აღწერა

2.2.1 წინამდებარე დოკუმენტაციაში აღნიშნული შესყიდვის ობიექტი უნდა იყოს მაღალი ხარისხის და შეესაბამებოდეს დანართი №2-ში განსაზღვრულ ტექნიკურ სპეციფიკაციებს.

2.2.2 პრეტენდენტმა უნდა განაფასოს ფასების ცხრილი, ერთეული და ჯამური ღირებულების გათვალისწინებით.

2.2.3 ერთეულის ღირებულების განსაზღვრისას, პრეტენდენტის მიერ დაფიქსირებული ფასი, არცერთ პოზიციაზე არ უნდა აღემატებოდეს შემსყიდველის მიერ განსაზღვრულ ერთეულის ღირებულებებს.

2.2.4 შემსყიდველი ორგანიზაციის მოთხოვნის შემთხვევაში პრეტენდენტის მიერ წარმოდგენილ უნდა იქნეს მისაწოდებელი საქონლის ნიმუშები, რომლის პრაქტიკული შემოწმებაც განხორციელდება შემსყიდველი ორგანიზაციის მიერ. ნიმუშების დაწინაურება წარმოადგენს პრეტენდენტის დისკვალიფიკაციის საფუძველს.

- **შენიშვნა:**

ნიმუშების შემოწმებას, მოთხოვნის შემთხვევაში, შესაძლებელია დაეწეროს პრეტენდენტის წარმომადგენელი.

### 2.3 სავარაუდო ღირებულება

2.3.1 შესყიდვის ობიექტის სავარაუდო ჯამური ღირებულება დღგ-ის გარეშე შეადგენს 46500 (ორმოცდაექვსი ათას ხუთასი) ლარს.

2.3.2 პრეტენდენტმა წინადადება უნდა წარმოადგინონ დღგ-ის გარეშე.

2.3.3 ტენდერის დასრულების შემდგომ, თუ აღმოჩნდება, რომ პრეტენდენტი არის დღგ-ის გადამხდელი, მის მიერ დაფიქსირებულ ფასს, ხელშეკრულების გაფორმებისას, დაემატება დღგ.

### 2.4 ანგარიშსწორების ფორმა და პირობები:

2.4.1 შემსყიდველი იღებს ვალდებულებას, გადაუხადოს მიმწოდებელს შესყიდვის ობიექტის ღირებულება საქონლის მიწოდებაზე გაფორმებული მიღება-ჩაბარების აქტის ან/და სხვა საგადასახადო დოკუმენტის დადასტურების საფუძველზე, ხელმოწერიდან / დადასტურებიდან 15 (თხუთმეტი) დღის ვადაში;

2.4.2 ანგარიშსწორების ვალუტა: ლარი.

2.4.3 ანგარიშსწორების ფორმა: უნაღდო.

### 2.5 შესყიდვის ობიექტის მიწოდების ვადა და წესი

2.5.1 საქონლის მიწოდება უნდა განხორციელდეს, ეტაპობრივად, შემსყიდველის მოთხოვნის შესაბამისად (მოთხოვნიდან არაუგვიანეს 5 სამუშაო დღისა), ხელშეკრულების გაფორმებიდან 2019 წლის 31 დეკემბრის ჩათვლით.

2.5.2 სატენდერო დოკუმენტაციის დანართი №2-ში აღნიშნული საქონლის რაოდენობა არის სავარაუდო, რომელიც შესაძლებელია შემსყიდველის საჭიროებიდან გამომდინარე, შეიცვალოს (შემცირდეს ან გაიზარდოს). ამასთანავე, თუ შემსყიდველი არ განახორციელებს შეკვეთას, მიმწოდებელი არ არის ვალდებული მთლიანად მიაწოდოს დანართი №2-ში მითითებული საქონელი.

## 2.6 პრეტენდენტის გამოცდილება

2.6.1 პრეტენდენტს მიმდინარე და წინა ორი კალენდარული წლის განმავლობაში (2016-2017-2018, კონკრეტულ წელს მნიშვნელობა არ ენიჭება) უნდა გააჩნდეს **არანაკლებ 10,000 (ათი ათასი) ლარის ღირებულების სამშენებლო ქაფების, სილიკონების ან/და სხვა მონათესავე პროდუქციის** მიწოდების გამოცდილება.

2.6.2 პრეტენდენტმა შემსყიდველის მოთხოვნის შესაბამისად უნდა წარმოადგინოს 2.6.1. პუნქტით მოთხოვნილი ინფორმაცია გამოცდილების შესახებ (გაფორმებული ხელშეკრულებები და მისი შესრულების დამადასტურებელი დოკუმენტები).

2.6.3 პრეტენდენტის მიერ, წინამდებარე დოკუმენტაციის, 2.6.1 პუნქტით მოთხოვნილი ინფორმაციის წარმოდგენლობა გამოიწვევს მის **დისკვალიფიკაციას შესყიდვის პროცედურიდან.**

## 2.7. პრეტენდენტის მიერ სისტემაში ასატვირთი დოკუმენტები

2.7.1 პრეტენდენტებმა ტექნიკური დოკუმენტაციის სახით [სისტემაში \(ელექტრონულად\)](#) უნდა ატვირთონ შემდეგი დოკუმენტები და ინფორმაცია:

ა) რეკვიზიტები (იხ. დანართი №1);

ბ) ფასების ცხრილი (იხ. დანართი №2);

გ) გამოცდილების დამადასტურებელი დოკუმენტები (ხელშეკრულებები, მათი მიღება-ჩაბარების აქტები ან/და საგადასახადო ანგარიშფაქტურა);

2.7.2 პრეტენდენტის მიერ სისტემაში ატვირთული დოკუმენტები ხელმოწერილი და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ.

### 3. შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის წარმოდგენილი წინადადების შესაბამისად (შესყიდვის ელექტრონული პროცედურის ტექნიკური პირობებით განსაზღვრული მოთხოვნათა დაცვით)

ხელშეკრულება შესყიდვის შესახებ N ----

ქ. თბილისი

«\_\_\_» \_\_\_\_\_ 2018 წ.

შემსყიდველი - შპს „ელიტა ბურჯი“, წარმოდგენილი ----- სახით.

მისამართი: ქ. თბილისი, ბერი გაბრიელ სალოსის ქ. N118

საიდ. კოდი: 206120437

ტელ: (+995 032) 2791331

e-mail: -----

საბანკო რეკვიზიტები:

მიმწოდებელი – -----

მისამართი: -----

საიდ. კოდი: -----

ტელ: -----

e-mail: -----

საბანკო რეკვიზიტები: -----

#### 1. გამოყენებულ ტერმინთა განმარტება

1.1 „ხელშეკრულება შესყიდვის შესახებ“ (შემდგომში “ხელშეკრულება”) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „მხარეები“ – წინამდებარე ხელშეკრულებით განსაზღვრული შემსყიდველი და მიმწოდებელი.

1.7 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

1.8 „ინსპექტირება“ – ხელშეკრულების პირობების შესრულების კონტროლი და ზედამხედველობა.

## **2. ხელშეკრულების საგანი**

2.1. ხელშეკრულების საგანია მიმწოდებელის მიერ ამ ხელშეკრულების პირობების შესაბამისად -----  
----- მიწოდება.

## **3. ხელშეკრულების ღირებულება**

3.1. ხელშეკრულების ჯამური ღირებულება შეადგენს ----- ლარს, რომელიც მოიცავს მიმწოდებლის ყველა ხარჯს და საქართველოს კანონმდებლობით დადგენილ გადასახადებს.

3.2. შესყიდვის ობიექტის ერთეულის ფასი და რაოდენობა განისაზღვრება ხელშეკრულების დანართით.

## **4. მხარეთა უფლება მოვალეობები**

4.1. მიმწოდებელის მიერ საქონლის მიწოდება უნდა განხორციელდეს წინამდებარე ხელშეკრულების და ამავე ხელშეკრულების დანართის შესაბამისად.

4.2. მიმწოდებელი ვალდებულია 8.2.1. პუნქტში მითითებულ პირ(ებ)ს, მათი მოთხოვნის შემთხვევაში, წარუდგინოს ინფორმაცია მისაწოდებელი საქონლის შესახებ.

4.3. ხელშეკრულებით განსაზღვრული საქონლის მიწოდება უნდა განხორციელდეს ამ საქონელზე შემსყიდველსა და მიმწოდებელს შორის დადებული შეთანხმების შესაბამისად (ვადა, ხარისხი, შეფუთვა, მახასიათებელი და ა.შ).

4.4. თუ საქონლის მიწოდების ვადები სცილდება ხელშეკრულებით განსაზღვრულ ვადებს, რაც გამოწვეული არ არის შემსყიდველის მიზეზით 8.2.1. პუნქტში მითითებული პირ(ებ)ი უფლებამოსილი არიან დააყენონ საკითხი ხელშეკრულების შეწყვეტის შესახებ, ამ ხელშეკრულების მე-14 მუხლის შესაბამისად.

4.5. შემსყიდველი უფლებამოსილია, მიმწოდებლის მიერ მიწოდებული საქონლის ხარისხის შემოწმება საკუთარი ხარჯით დაავალოს შესაბამისი სფეროს ექსპერტებს.

## **5. საქონლის მიწოდების წესი, ვადები და ადგილი**

5.1. მიმწოდებლის მიერ მიწოდებული საქონელი უნდა შეესაბამებოდეს იმ სტანდარტებს და ნორმებს, რომელიც აუცილებელია ხარისხიანი საქონლის მიწოდებისთვის.

5.2. შესყიდვის კონკრეტული სპეციფიკიდან გამომდინარე, მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას ნებისმიერი შესაძლო დაზიანების ან გაფუჭებისგან შემსყიდველის მიერ მის მიღებამდე (მათ შორის, დანიშნულების ადგილამდე ნებისმიერი სახით ტრანსპორტირების პროცესში).

5.3. საქონლის მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად, ხელშეკრულების გაფორმებიდან **2019 წლის 31 დეკემბრის ჩათვლით**.

5.4. მიმწოდებელი ვალდებულია, საქონლის ან მისი ნაწილის მიწოდებისას წარუდგინოს შემსყიდველს კანონმდებლობით დადგენილი შესაბამისი დოკუმენტები.

5.5. საქონლის მიწოდების ადგილია ქ. თბილისი, ბერი გაბრიელ სალოსის გამზ. N118.

## **6. ანგარიშსწორების ფორმა და ვადები**

6.1. ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში, ლარში.

6.2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება, შემსყიდველის მხრიდან შესაბამის დოკუმენტზე 8.2.1. პუნქტში მითითებული პირ(ებ)ის მიერ ხელმოწერიდან 15 (თხუთმეტი) დღის ვადაში.

## 7. სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს ამავე ხელშეკრულების დანართით განსაზღვრულ სტანდარტებს.

### 8. ხელშეკრულების შესრულების კონტროლი (ინსპექტირება)

8.1. შემსყიდველი უფლებამოსილია საქონლის მიწოდების ნებისმიერ ეტაპზე განახორციელოს შემოწმება, რომლის მიზანია მისაწოდებელი / მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. შემსყიდველის მხრიდან ხელშეკრულების შესრულების კონტროლს განახორციელებს:

8.2.1. შპს „ელიტა ბურჯი“-ს ----- მიერ გამოყოფილი პირ(ები) – მიწოდებული საქონლის შუალედური და საბოლოო მიღება-ჩაბარების აქტების, საქონლის მიწოდები ვადის, რაოდენობის (მოცულობის) და ხელშეკრულების პირობებთან ხარისხობრივი შესაბამისობის განსაზღვრისა კონტროლის საკითხებზე;

8.3. კონტროლი განხორციელდება შემდეგი ფორმით:

8.3.1 ხელშეკრულების პირობებთან საქონლის ხარისხისა და რაოდენობის (მოცულობის) შესაბამისობის შემოწმება ვიზუალური (მათ შორის სპეციალისტის მიერ დათვალიერება), აზომვითი, ტექნიკური ან/და დოკუმენტური მეთოდით;

8.3.2 საქონლის მიწოდების შეთანხმებული ვადების დაცვის მონიტორინგი;

8.4. კონტროლი ხორციელდება ხელშეკრულების შესრულების თითოეულ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.

8.5 კონტროლის განხორციელების ადგილია: საქონლის მიწოდების ადგილი ან / და სხვა ნებისმიერი ადგილი შემსყიდველის არჩევანის შესაბამისად.

### 9. შესყიდვის ობიექტის მიღება-ჩაბარების წესი

9.1. საქონლის ეტაპობრივი მიწოდება დასტურდება ორივე მხარის უფლებამოსილი წარმომადგენლების (შემსყიდველის მხრიდან 8.2.1. პუნქტში მითითებული პირ(ებ)ის) მიერ ხელმოწერილი შუალედური მიღება-ჩაბარების აქტით, ხოლო საქონლის სრულად მიწოდება საბოლოო მიღება-ჩაბარების აქტით.

9.2. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე და მათ ანაზღაურებაზე, თუ:

9.2.1. იგი უხარისხოა (მათ შორის ხელშეკრულებით გათვალისწინებული ხარისხის შეუსაბამო);

9.2.2. მიწოდებული საქონელი ხელშეკრულებაში/ხელშეკრულების დანართში მითითებულ რაოდენობაზე მეტია და მიმწოდებელი ითხოვს ანაზღაურებას მთლიანად (ნამეტის ფარგლებში);

9.2.3. სრული მოცულობით არ არის წარმოდგენილი ხელშეკრულებით გათვალისწინებული დოკუმენტაცია;

9.2.4. დეფექტების გამოსწორება შეუძლებელია;

9.2.5. საქონლის მიწოდება (მოთხოვნის ფარგლებში) სრულად არ მომხდარა, ხოლო ნაწილობრივი მიწოდება შემსყიდველისთვის ინტერესს კარგავს;

9.2.6. ან/და კანონმდებლობით გათვალისწინებულ სხვა შემთხვევებში.

9.3. საბოლოო მიღება-ჩაბარების აქტის ხელმოწერამდე, ყველა რისკი საქონლის შემსყიდველისათვის მიწოდებამდე ეკისრება მიმწოდებელს, ხოლო საბოლოო მიღება-ჩაბარების აქტის ხელმოწერის მომენტიდან აღნიშნული რისკები გადადის შემსყიდველზე. ამასთან, მიმწოდებელი ვალდებულია შემსყიდველს გადასცეს ნივთობრივად და უფლებრივად უნაკლო ნივთი.

9.4. საქონლის მიწოდების შემდგომ, საექსპერტო კვლევის დანიშვნის შემთხვევაში, ეტაპობრივი ან საბოლოო შესრულების დადასტურება უნდა განხორციელდეს სათანადო დასკვნის მიღებიდან 10 კალენდარული დღის განმავლობაში. ასეთ

შემთხვევაში, კვლევის ხარჯებს აანაზღაურებს მიმწოდებელი, თუ მის მიერ მიწოდებული საქონელი აღმოჩნდება მოთხოვნილი ან/და საქართველოში მოქმედი სტანდარტის შეუსაბამო.

9.5. საქონლის მიწოდების თარიღად ჩაითვლება მიმწოდებლის მიერ საქონლის მიწოდების შესახებ შემსყიდველისათვის წერილობითი შეტყობინების წარდგენის თარიღი, გარდა იმ შემთხვევისა, როდესაც მიწოდებული საქონლის ამსახველი დოკუმენტაცია არ არის შესაბამისობაში ფაქტობრივად მიწოდებული საქონლის მოცულობასთან.

## **10. უფლებების გადაცემა**

დაუშვებელია მიმწოდებლის მიერ ხელშეკრულებით გათვალისწინებული უფლება-მოვალეობების მთლიანად ან ნაწილობრივ სხვა პირისთვის გადაცემა შემსყიდველის წინასწარი წერილობითი თანხმობის გარეშე.

### **11. ხელშეკრულების პირობების შეუსრულებლობა**

11.1. ამ ხელშეკრულების პირობების შესაბამისად შესყიდვის ობიექტის მიუწოდებლობისათვის (მათ შორის ხელშეკრულებით განსაზღვრულ ვადაში, უხარისხოდ, არასრული მოცულობით, საჭირო დოკუმენტაციის გარეშე), მიმწოდებელს, წინასწარი შეტყობინების გარეშე, დაეკისრება შემსყიდველისათვის პირგასამტეხლოს გადახდა მიუწოდებელი საქონლის 0,2% ყოველ ვადაგადაცილებულ დღეზე.

11.2. პირგასამტეხლოს დარიცხვის მიუხედავად, შემსყიდველი უფლებამოსილია:

11.2.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

11.2.2. მიღება-ჩაბარების აქტი გააფორმოს ფაქტიურად მიწოდებული საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო ამ მუხლის შესაბამისად.

11.3. შემსყიდველის მიერ, მიწოდებული საქონლის ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა გადაუხდელი თანხის 0,2 %-ის ოდენობით ყოველ ვადაგადაცილებულ სამუშაო დღეზე, მაგრამ არაუმეტეს ხელშეკრულების ჯამური ღირებულების 2%.

11.4. დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

11.5. დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის ან ხელშეკრულების შეწყვეტის შემდეგ, იმის მიხედვით თუ ამ გარემოებებიდან რომელი უფრო ადრე დადგება.

11.6. ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი საქონლის ღირებულების 10%-ის ოდენობით.

## **12. ფორს-მაჟორი**

12.1. მხარეები თავისუფლდებიან წინამდებარე ხელშეკრულებით გათვალისწინებული პასუხისმგებლობისგან ვალდებულებების სრული ან ნაწილობრივი შეუსრულებლობისათვის, როდესაც ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობის არსებობით.

12.2. ფორს-მაჟორულ მდგომარეობად ითვლება წინასწარ განუსაზღვრელი ნებისმიერი გარემოების არსებობა, რომელიც მხარისგან დამოუკიდებელი მიზეზის გამო წარმოადგენს დაუძლეველ ძალას (სტიქიური უბედურება, საომარი ან საგანგებო მდგომარეობა, ეპიდემია, კარანტინი და სხვა) და შეუძლებელს ხდის მის მიერ ნაკისრი ვალდებულების შესრულებას.

12.3. მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება,

ვალდებულია დაუყოვნებლივ (ფორს-მაჟორის დადგომიდან არა უგვიანეს 2 სამუშაო დღისა) აცნობოს მეორე მხარეს ნაკისრი ვალდებულების შეუსრულებადობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

12.4. ფორს-მაჟორის მიუხედავად მხარე, რომლისთვისაც ნაკისრი ვალდებულების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

12.5. თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეები უფლებამოსილნი არიან ცალმხრივად შეწყვიტონ ხელშეკრულება.

12.6. წინამდებარე ხელშეკრულების 12.5 პუნქტში აღნიშნული უფლების გამოყენების შემთხვევაში, ის მხარე, რომელიც ცალმხრივად წყვეტს ხელშეკრულებას, ამის შესახებ უნდა აცნობოს ხელშეკრულების მეორე მხარეს, ხელშეკრულების შეწყვეტის შესახებ გადაწყვეტილების მიღებისთანავე.

### **13. ხელშეკრულების შეწყვეტა**

13.1. ეს ხელშეკრულება შეიძლება ვადამდე შეწყდეს:

13.1.1. მხარეთა შორის გაფორმებული ორმხრივი წერილობითი შეთანხმებით, ნებისმიერ დროს;

13.1.2. ნებისმიერი მხარის ინიციატივით, ცალმხრივად, თუ მეორე მხარე არ/ან არაჯეროვნად ასრულებს ნაკისრ ვალდებულებას, რის თაობაზეც მას წერილობით მიეცა გაფრთხილება და ამ დარღვევის გამოსასწორებლად მიეცა დამატებითი ვადა. ამასთან, დამატებითი ვადა შეიძლება არ მიეცეს მეორე მხარეს, თუ აშკარაა, რომ მას შედეგი არ ექნება, ან ვალდებულების შეუსრულებლობის ან არაჯეროვნად შესრულების გამო შეწყვეტის ინიციატორ მხარეს ხელშეკრულების საგნისადმი ინტერესი ეკარგება. ასევე, საქართველოს სამოქალაქო კოდექსით და ამ ხელშეკრულებით გათვალისწინებულ სხვა შემთხვევებში.

13.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს (გარდა ამ ხელშეკრულებით გათვალისწინებული გამონაკლისისა):

13.2.1. იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა ან/და მოთხოვნის უზრუნველყოფის დამატებით საშუალებად გამოიყენება (ამ მოთხოვნის არსებობის პერიოდში);

13.2.2. ზიანის ანაზღაურების მოთხოვნის დაკმაყოფილების ვალდებულებისაგან (ზიანის არსებობის შემთხვევაში).

### **14. დავების გადაწყვეტის წესი**

14.1. მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

14.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით, დადგენილი წესით, შეუძლია მიმართოს საქართველოს სასამართლოს.

### **15. ხელშეკრულებაში ცვლილებების შეტანა**

15.1. ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული, უფლებამოსილი პირების მიერ ხელმოწერილი, შეთანხმების საფუძველზე.

15.2. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

15.3 შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

#### **16. ხელშეკრულების მოქმედების ვადა**

ხელშეკრულება ძალაში შედის მისი ხელის მოწერის დღიდან და მოქმედებს 2020 წლის ----- ჩათვლით.

#### **17. დასკვნითი დებულებები**

17.1. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით, დადგენილი წესის შესაბამისად.

17.2 ხელშეკრულებას დანართის სახით ახლავს: დანართი №1, რომელიც წარმოადგენს მის განუყოფელ ნაწილს.

17.3 ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

17.4 ხელშეკრულება ფორმდება 3 (სამი) თანაბარი იურიდიული ძალის მქონე იდენტურ ეგზემპლარად, რომელთაგან ორი განკუთვნილია შემსყიდველისთვის, ხოლო ერთი მიმწოდებლისთვის.

**შემსყიდველის მხრიდან:**

**მიმწოდებლის მხრიდან:**

| 1. პრეტენდენტის რეკვიზიტები                  |  |
|----------------------------------------------|--|
| პრეტენდენტის იურიდიული ფორმა და დასახელება   |  |
| ხელმძღვანელის სახელი, გვარი                  |  |
| პრეტენდენტის იურიდიული და ფაქტიური მისამართი |  |
| საიდენტიფიკაციო კოდი                         |  |
| პრეტენდენტის ტელეფონის ნომერი / ელ. ფოსტა    |  |
| მომსახურე ბანკის დასახელება                  |  |
| ბანკის კოდი                                  |  |
| ანგარიშსწორების ანგარიში                     |  |

პრეტენდენტის ხელმოწერა

ბ.ა.

ფასების ცხრილი

| ფასების ცხრილი (ქაფი, სილიკონი) |                                         |                                                                                                        |             |           |                                        |      |                                      |
|---------------------------------|-----------------------------------------|--------------------------------------------------------------------------------------------------------|-------------|-----------|----------------------------------------|------|--------------------------------------|
| N                               | დასახელება                              | ტექნიკური<br>მახასიათებლები /<br>სტანდარტი                                                             | განზომილება | რაოდენობა | ერთეულის<br>ფასი<br>(დღგ-ის<br>გარეშე) | ჯამი | მწარმოებელი<br>ქვეყანა /<br>კომპანია |
| 1                               | ქაფი სამშენებლო                         | პოლიურეთანის, 750<br>მლ.                                                                               | ცალი        | 5000      | 6.1                                    |      |                                      |
| 2                               | სილიკონი<br>გამჭვირვალე<br>(უნივერსალი) | მუდმივად<br>ელასტიური, ერთ<br>კომპონენტიანი,<br>პოლიურეთანის<br>წებო-გერმეტიკი, 310<br>მლ. ფლაკონებში. | ცალი.       | 5000      | 3.2                                    |      |                                      |
| საერთო ღირებულება               |                                         |                                                                                                        |             |           |                                        |      |                                      |

პრეტენდენტის ხელმოწერა \_\_\_\_\_

ბ.ა.